

www.BibleForChildren.org


उत्पत्ति 3



आदमइ ह्रॉसए प्हेंस्योए मिं हब्बा थेंइ,
तलेबिस्याँ च ताँन् सोगॉमैँए आमा ग।



याहवेह परमेश्वरजी बनेबै कह्योबै सो
पह्याबै सैमै न्होरि पहरि तान् भन्दा
स्योर्गु मुँल। चइ चहमिरिने “परमेश्वरजी
कहेमैने बगैचाबै सिंधुबै रो खाबै या आचद्
बिइमुँ वा?” बिसि इयोएइ।



चहमिरिइ प्हरिने
बिइ, “बगैँचाबैँ
सिंधुँबैँ रो डिइ चल
खाँम। दिलेया ‘बगैँचाए
म्हाँजोर मुँबैँ सिंधुँबैँ रो
बिस्याँ क्हेमैँइ आचद,
आछुइद। आस्याँ क्हेमैँ
सियाब्मुँ,’ बिसि
परमेश्वरजी डिने
बिइमुँ।”



पुहुरिइ चहमिरिने बिइ,
“कहेमैं आसि। कहेमैंइ
च रो चबै त्तिहंइर्न
कहेमैंए सैं न्होंबैं मि
थोंबुँ, धै छयाँब
आछयाँब सेल् खाँबै
ज्ञान याँसि कहेमैं या
परमेश्वर धोंन् तबुँ
बिसि परमेश्वरजी
सेइमुँ।”



झाडले च सिंधुबें रो चबर लिंब, इह्योमा
छयाँब नेरो बुद्धि याँबै लहागिर च सिंधुँए रो
चल् त्हुमन बिसि च्हमिरिइ मैँइ। छतसि
चइ च सिंधुँए रो टाँसि चवाइ, ह्राँसए
प्युँलाज्यै पिँइ, धै प्युँज्यै या चइ। च रो
चबै ताँदोन् चमैँ इहँना
इहँनए मि थाँयाँइ,
झाडले खेमैँ कलुँनन्
मुँन बिसि चमैँइ सेइ।
छतसि तुँबुए लमैँ
थुसि ह्राँसए
लहागिर
क्वें टुसि
खिइ।





दिलेया
याहवेह
परमेश्वरजी “क्व्हि
खनिर मुँ?” बिसि म्हिलाइ हुइ। चइ
बिइ, “डइ बगैचार क्व्हिए कै थैइ थै ड ड्हिसि
लोयाइ, तलेबिस्याँ ड कलुँनन् मुँला।” “क्व्हि कलुँनन्
मुँ बिसि खाबइ बिइ? डइ आचद् बिबै सिंधुँबै रो
क्व्हिइ चवाल् वा?” बिसि परमेश्वरजी ड्योणइ।



म्हिड बिड, “डने टिरिगे बिसि विहड पिंबै
चहमिरिड च सिंधुँबै रो ड पिंड। धै डड चड।”
छतमा याहवेह परमेश्वरजी चहमिरिने “विहड
तले छ लल?” बिमा चहमिरिड बिड, “पुहुरिड
डने ‘तोड आत! च रो चलेन् तम्’ बिसि
स्योर तेड। छतसि डड चड।”





छतसि “सउँइलेन च बनेल, च
सर्न के लरिगे” बिसि याहवेह
परमेश्वरजी अदनए बगैँचाउँइले
चलाइ तेवाइ।






खीजी म्हिलाइ तेवाबै लिउँडँ
खॉयॉन् बिलै सोल् यॉबै सिंधूर फेनेबै
घ्याँर खाबै या आखरिगे बिसि रूँबै
ल्हागिरि अदनए बगँचाबैँ स्यारउँडँले
करूबमें नेरो कारग्युले
स्युररिबै मिइ
लुँरिबै सेलाँ
(तरवार) थेंमिइ।




आदम हॉसए प्हेंस्योने बालु तइ, धै हब्बाइ प्हसे नोसि कयिन
फिइ, धै बिइ, “याहवेहजी ल्होमिसि डइ च्ह घि फिइ।” चइ
धबै कयिनए अलि हाबिल फिइ। हाबिल क्यु छै तइ, कयिन
बिस्याँ मॉर के लब तइ।



दे त्हे लिउँइँ कयिनइ मॉर रोबै सैमैँउँइँले च्हाँदे भेटि याहवेहए
डॉर पखइ। दिलेया हाबिलइ हॉसए क्युए बगालउँइँले ऑसॉं
फिबै छोबै क्यु भेटि पखइ। छतमा याहवेह
हाबिल नेरो चए भेटि मॉसि सैँ तॉइ। दिलेया
कयिन नेरो चए भेटि मॉसि सैँ आतॉं।
छतमा कयिन बेल्ले हिस खसि
इहो छु लइ।



कयिनइ ह्रॉसए अलि हाबिलने “खो, इयो बैरु म्रॉर ह्याले,” बिइ। झाइले चमैँ म्रॉर ह्यामा कयिनइ ह्रॉसए अलि हाबिल सैवाइ।



छतमा याहवेहजी कयिनने “क्विए अलि हाबिल खनिर मुँ?”
बिसि ड्योएमा चइ बिइ, “तुसि! डइ आसे। ड डए अलिए
प्होंछें वा?” झाइले कयिन याहवेहउँइले त्होंसि अदनए स्यारउँइ
मुँबै नोद बिबै ह्युलर टिबर होंइ।



धबै आदम हॉसए प्हेंस्योने बालु तसि चए प्हेंस्योइ च्ह फिइ।
“कयिनइ सैवाबै हाबिलए साटोरि परमेश्वरजी डलाइ कोलो
घि पिंइमुँ।” बिसि हब्बाइ चए मिं शेत थेंइ।



शेत फिबै लिउँई आदम प्रेब्रा बर्ष सोसि अरु च्ह-च्हमिमै
यौंइ। आदम कुब्रासे सौंच्यु बर्ष तसि सिइ।



पृथ्वीरि म्हिमेंड ल्हें आछयाँबै केमें लब्रें लइ। धै
खोंयॉन् बिलै चमेंड आछयाँबै तामें मत्त्रे मैरिब
याहवेहजी म्माँइ। छतसि याहवेहजी बिइ, “डइ
बनेबै म्हिमें, सर कल्याँसि प्रबै प्हँलाँ-प्हँलुमें,
कहयॉर टिबै खेदोमें नेरो मुर्बे नमेमें तान्
पृथ्वीउँइले नास लवाळ्मुँ।
तलेबिस्याँ चुमें



बनेबइले डए
सैं नइमुँ।”



दिलेया नोआलाइ बिस्व्याँ याहवेहजी
छयाँब म्नाँइ। नोआइ शेम, हाम नेरो
येपेत बिबै च्ह सौँलो याँइ।



तलेबिस्याँ खीए च्हए फिर बिश्वास
लब्में खाबै या नास आतरिगे, बरु
खोंयोंइ आनुबै छह योंरिगे बिसि
परमेश्वरजी ह्युलबै म्हिमेंने ल्हें
म्हाँया लसि खीए घि दे
मुँबै च्ह पिंइ।



रोमी 3:23

तलेबिस्याँ ताँन् म्हिइ पाप लइमुँ, छतसि
खी डारं फेनेल् आखाँइमुँ।

रोमी 6:23

तलेबिस्याँ पाप लबमैंइ योंबै नाँ सिब ग! दिलेया
परमेश्वरजी छलेन पिंबै दान इयोए प्रभु येशू ख्रीष्टउँइले
खोंयोँइ आखाँबै छह योंब् ग।

हिब्रू 9:27

ताँन् म्हिमें तिब्ले सिल् त्हुम्, धै सिबै लिउँइ
परमेश्वरजी लबै इन्साफर राल् त्हुम्।



एफिसी 2:8,9

छतसि परमेश्वरए दयाम्हाँयाइ लमन् कहेमैँए बिश्वासउँइले
कहेमैँइ मुक्ति योंइमुँ। कहेमैँइ छयाँबै केमैँ लसि चु मुक्ति योंब
आडिं, चुम् परमेश्वरजी छलेन पिंब् ग। छयाँबै केमैँ लसि
म्हिमैँइ मुक्ति योंल् आखाँ। छतसि छयाँबै के लइ
बिसि खाबै या थेब् प्हेँल् आत्हु।

रोमी 10:9,10

तलेबिस्याँ किहइ होंसए सुँइ “येशून् डए प्रभु ग” बिसि अरूलाइ
साक्षि पिंम बिस्याँ, झाइले “परमेश्वरजी येशूलाइ सिबइले धबै
सोगों लमिँइ” बिसि सैँर बिश्वास लम् बिस्याँ किहइ मुक्ति
योंल्मुँ। तलेबिस्याँ इयोए सैँइ बिश्वास लसिन् इयो परमेश्वरए
उँइँर ठिक ठदिम, झाइले इयोए बिश्वास लबै ताँ
अरूलाज्यै या बिमिँस्याँ इयोइ मुक्ति योंमुँ।



यूहन्ना 3:16,17

तलेबिस्व्याँ खीए च्हए फिर बिश्वास लब्में खाबै या नास आतरिगे,
बरु खोंयोँइ आनुबै छह योंरिगे बिसि परमेश्वरजी ह्युलबैँ म्हिमेंने
ल्हें म्हाँया लसि खीए घि दे मुँबै च्ह पिंइ। तलेबिस्व्याँ ह्युलबैँ
म्हिमें दोषि ठदिबर परमेश्वरजी ह्वाँसए च्हलाइ कुलब आडिं,
दिलेया चमैलाइ जोगेबर कुल्मिंइ।

१ यूहन्ना 5:11-13

परमेश्वरजी पिंबै ग्वाइ चुन् गः खीजी इयोलाइ खोंयोँइ आखाँबै
छह पिंइमुँ, धै च छह खीए च्हउँइले इयोइ योंम्। खाब्ने परमेश्वरए
च्ह टिमुँ, चइ च छह योंइमुँ, दिलेया खाब्ने परमेश्वरए च्ह आटि,
चइ खोंयोँइ आखाँबै छह आयों। ओ, परमेश्वरए च्हए फिर बिश्वास
लब्में! क्हेमैँइ खोंयोँइ आखाँबै छह योंइमुँ बिसि पक्का था सेरिगे
बिसि इइ चु प्हिछया क्हेमैँलाइ प्हिब् ग।



उत्पत्ति 3 - 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Gorong Central Bible (gvr) © 2020, Wycliffe Bible
Translators, Inc. All rights reserved.

<https://live.bible.is/bible/GVRWBT/MAT/1>

©2024 Bible for Children, Inc.

www.M1914.org

www.bibleforchildren.org

